

Taxonomizar os contidos: Categorías

Ruta: Administración > Administración do contido > Categorías

As categorías permiten clasificar e organizar os contidos e decidir o [acceso](#) dos usuarios aos distintos contidos e as súas opcións (principalmente qué usuario ou grupo de usuarios pode crear-modificar-borrar contidos e ónde pode facelo).

Este é o primeiro paso que teremos que dar á hora de empezar a crear a páxina do centro. É moi importante que, antes de empezar a crear contidos e antes de pensar no deseño e aparencia que vai ter a páxina, teñamos pensada unha **categorización de onde se van aloxar os contidos** que publiquemos. Haberá que deseñar, polo tanto, a estrutura ou mapa do noso [sitio](#).

Esta xerarquización dos contidos será a que nos permite realizar a clasificación dos mesmos e, despois, a distribución da nosa web. Como veremos máis adiante, a partir desta clasificación inicial constrúense os menús que aparecen na páxina.

Seguindo a ruta sinalada máis arriba, accédese ás distintas opcións para a administración das categorías. **Como administradores, a nosa función será a de crear as categorías e subcategorías** que formarán o esqueleto do portal web, fundamental para poder aloxar os contidos que se vaian crear e para a construción dos menús de [acceso](#) a estes contidos.


As **categorías** e **subcategorías** reciben en Drupal os nomes de **Vocabulario** (categoría principal) e **termos**(subcategorías). Cando se fala de categoría normalmente englobase todo, tanto a principal (vocabulario) como as subcategorías (termos), aínda que ás veces, por comodidade, tamén poderemos ver que se emprega o termo categoría para referirse só á principal. Procuraremos non caer neste erro no curso actual e trataremos de seguir o seguinte esquema de terminoloxía.

Deste xeito **cada categoría constará dun único Vocabulario que estará dividido en varios termos**. Estes termos, á súa vez, poden estar tamén subdivididos en novos termos, como se indica no seguinte esquema:

Categoría
Vocabulario (<i>categoría principal</i>)
Termo_1 (<i>subcategoría de 1º nivel</i>)
Termo_2 (<i>subcategoría de 1º nivel</i>)
Termo_2.1 (<i>subcategoría de 2º nivel</i>)
Termo_2.2 (<i>subcategoría de 2º nivel</i>)
Termo_3 (<i>subcategoría de 1º nivel</i>)

En resumo: para realizar unha categorización dos contidos dentro da web deberemos crear diferentes categorías que constarán dun vocabulario subdividido en varios termos.

Exemplo: no modelo que se preinstala aos centros educativos cando deciden participar neste proxecto, unha categoría que vai creada é a de "**O Centro**". Esta categoría está formada por un Vocabulario: "O centro" no que se agregaron **4 termos: Localización, Dependencias, Organigrama e Secretaría**. Á súa vez, o termo Organigrama subdividiuse en outros dous termos: Consello escolar e Profesorado.



Con esta categorización estaremos creando os compartimentos onde posteriormente aloxaremos os contidos que creamos. Cada contido deberá de ter polo menos un termo onde ser aloxado. Tamén veremos neste curso que un mesmo contido podería aloxarse en varios termos que poden ser da mesma categoría ou de categorías diferentes.

A importancia de categorizar os contidos e de establecer unha clara estrutura de vocabularios e termos na páxina débese a dous motivos:

- **De organización:** organizar e clasificar os contidos dentro dun ou varios termos.
- **De permisos:** establecer os diferentes permisos que os usuarios da páxina teñen sobre os contidos. Segundo o termo no que estea asociado un contido, o usuario poderá velo, ou non, poderá borrarlo, editalo para modificalo... Este apartado dos permisos verémolo tamén máis adiante.

Vista a importancia que ten a creación das categorías, vexamos pois como se fai este labor no apartado seguinte.